


www.BibleForChildren.org



योहान 14




यीशु तान चेलाह केयो, "तुमरो मोन दुखी नाय एय। बोगवाना पोर बुरहो कियो एने मार पोर बी बुरहो कियो। मार आबाख ने गेरा माय रेणेन केरता जुलूम जागो हे, एने केदी जागो नाय रितो, ते मी तुमूह केय दितो। काहाकाय मी तुमरी केरता जागो तियार केरनेन केरता जाथु। एने तुमरी केरता जागो तियार केरनेन बाद, मी पुशो आवीन तुमूह मार फाय ली जाह काहाकाय जा मी रेथु ताहरी तुमू बी रिहो।"




मी योहान, तुमरो बाहख यीशु मसीन कारेण दुख एने राज एने दिर
माय तुमरी हिऱ्यो बागीदार हे। मी पतमुस नावान टापु माय
बोगवानान वचन एने यीशुन गोवाय केणेन

कारेण बोंदी ईतो।



पुशो मी तुलेचबूखी चोखाला जीवा माय बोराय गीयो। एने मार
ओंगाण हेरगा माय एक राजगादि मील रियेल देख्यो एने ती राजगादि
पोर कुण तीबी बोह रियेल एतो।




एने हेरगाम, देरती पोर, देरतीन नेचो एने देरीयाम जा आखी
वोस्तुह, एने आखो जो काय ता माय हे, ज्यो गावतीन होमल्यो: "जो
राजगादि पोर बोह रिनोह तान एने मेंड्रान
स्तुती, एने मान सम्मान, बोडाय,
एने ताकेत कायेम रेय!"




तेवी पुशो मी चोखालो हियोर नोवालो यरूशलेम, बोगवानान उगे रेन
आमरा वोवडान केरता तियार वोवडीन गेट हेरगाम रेन नेचो
उतेरतालो दिख्यो। पुशो मी राजगादि माय रेन कुणी तीबी मोठेस
आयडीन ज्यो केतालो होमल्यो: "दिखो, एवी बोगवानान गेर माणहान
विची माय हे! एने बोगवान ता हिऱ्यो रेय, एने ता तान माणहे एती।


बोगवान खुद
ता हिऱ्यो रेय,
एने तान
बोगवान एया।"



ज्यान पासाण हेरोगदुत माहु एक जीवाय आपणार नेदी देखाड्यो, ज्यी नेदी बिल्लोर देगडान गेत चोमेकताली, ती बोगवान ने एने मेंड्रान राजगादिम रेन निकेलताली एने ता हेयरान सेडकीन विची माय रेन वोयताली।



ता हेयराह दिह्यान एने चांदान उजालान जोरवुत नाह, काहाकाय
बोगवानान तेज केरीन उजालो एणे बाजरेनोह,
एने मेंड्रो तान दिवो हे।



पुण ता माय काल्ली बी एठी वोस्तु केदी बी रिग नाय सेकी, एने नाह
खाराब काम केरनारे, एने नाह जुठ बोलणारे ता माय रिग सेकते। पुण
तो माणुह ता हेयरा माय रिग सेकी जान
नाव मेंड्रान जीवणान पुस्तेक
माय लेखायेल हे।




"बोगवान तान डोलाम रेन आखा आहवा नुस देय। एने ज्यान
पासाण मोत, दुख, रेडनो नाय रेय, एने पिडा बी खेतेम एय
जाय। काहाकाय जुनाल्यु वातु एवी गायेब एय गीयो।"



एने हेयारा माय कुण बी बोगवानान हाराप माय नाय रेय। पुण
बोगवानान राजगादि एने मेंड्रो ता हेयरा माय रेय, एने तान पावोर
तान आरादना केरती। ता माणहे तान मुय देखती, एने यीशुन नाव
तान निंडाला पोर लिखेल रेय।



एने मी ता मुरेलाह जा आत्या मोठा एता, ताह बोगवानान राजगादिन सामने उबरियेल दिखेल। एने पुस्तेक खोलाय गीया, तान पासाण जीवणान पुस्तेक खोलाय गियी। मुरेल माणहान नियाव पुस्तेक माय जिहकेरीन लिखेल एतो, तिहेस केरीन तान कामान गेत नियाव एनो। एने जा बी माणहान नाव जीवणान पुस्तेक माय लिखेल नाह जुडनो, ता माणहे आकठान जोवरा माय टाकाय गीया।



जीव एने वोवड़ी दुयून केणु हे, "आव!" एने जो होमलेह तो किथे,
"आव!" एने जो तिहल्यो हे तो आवी; एने जीवाय ने पाणी
फुकेट माय लेय लेय।



काहाकाय बोगवान दुनियाह ओहलो मोंग
किऱ्यो काय तो तान एकुस मोंगाल्ला बेटाख
आप दिनो, काहाकाय जो कुण ता पोर बुरहो
केरी तो खेतेम नाय एय, पुण जेलेमक्यो
जीवाय सापडावी।



रोमीयो 3:23 ज्यानकेरता काय आखा माणहे पाप किरेल हेते एने
बोगवानान बोडायीह रेन सेटा हेते,

रोमीयो 6:23 काहाकाय पापान मोंजरी ते मोत हे, पुण बोगवानान गीणीन
वरदान आपणो मालीक मसी यीशु माय जेलेमक्यी जीवाय हे।

इब्रानियो 9:27 एने जिहकेरीन माणहान केरता एक वार मोरनु एने तान
पासाण नियाव ठेरायेल हे,

इफिसीयो 2:8,9 काहाकाय बोरहान द्वारे गीण केरीस ने तुमूह सुटकारो
जुडेल हे, एने ज्यो तुमरी उगे रेन नाह, पुण बोगवानान दान हे;
एने नाह कामान कारेण, ओहलो नाय एय काय कुण बी मोठाय केरी।

रोमीयो 10:9,10 काय केदी तु तारा मुया केरीन यीशुह मालीक जाणीन
कबुल किरहे, एने तारा मोना केरीन बुरहो केरी काय बोगवान ताह मुरेल
माय रेन जीवाड्यो, ताहार तारो सुटकारो एय। काहाकाय देरमीपोणान
केरता मोन से बुरहो केराय जाथे, एने सुटकारान केरता मुया केरीन कबुल
केराय जाथे।



योहान 3:16,17 काहाकाय बोगवान दुनियाह ओहलो मोंग किऱ्यो काय तो तान एकुस मोंगाल्ला बेटाख आप दिनो, काहाकाय जो कुण ता पोर बुरहो केरी तो खेतेम नाय एय, पुण जेलेमक्यो जीवाय सापडावी। बोगवान तान बेटाख दुनिया माय ज्यानकेरता नाह मुकल्यो काय दुनियान नियाव केरी, पुण ज्यानकेरता काय दुनियाह तान उगे रेन सुटकारो जुडी।

1 योहान 5:11-13 एने ती गोवाय ज्यीच हे काय बोगवान आपुह जेलेमक्यी जीवाय आपेल हे, एने ज्यी जीवाय तान सोरा माय हे। जा फाय बिटोख हे, ता फाय जीवाय हे; एने जा फाय बोगवानान बिटोख नाह सुतो, ता फाय जीवाय बी नाह सोती। जेलेमक्यो जीवाय तुमरो हे एवी ज्यो तुमूह मालुम एय जायेल हे, केरीन बोगवानान बेटाख ने नावा पोर बुरहो मेलनारे तुमूह मी ज्यो लेखथु।



योहान 14; 2 कुरिंथीयो 5; प्रकाशितवाक्य 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Nahali Bible (nlx) © The Word for the World International
and Nahali Vishwaseen Mandli, Toranmal, Dhadgaon,
Nandurbar, Maharashtra 2025

<https://www.bible.com/en-GB/bible/2790/MAT.1.NII2025>

©2026 Bible for Children, Inc.

www.M1914.org

www.bibleforchildren.org

